

















史記內編卷之二

漢 龍門司馬遷 著

明 建武鄧元錫選評

高祖本紀

高祖沛豐邑中陽里人，姓劉氏，字季。父曰太公，母曰劉媪。其先劉媪嘗息大澤之陂，夢與神遇，是時雷電晦冥，太公往視，則見蛟龍於其上，已而有身，遂產高祖。高祖爲人，隆準而龍顏，美須髯，左股有七十二黑



縱觀自沛至咸  
都得縱觀言無  
不現班史去上  
現字又贈然升  
庵謂乃秦皇縱  
得觀又無謂知  
言者難哉

漢起側微然亦  
何消得序此等  
細碎不稱章紀

子仁而愛人喜施意豁如也常有大度不事家人生  
產作業及壯試爲吏爲泗水亭長廷中吏無所不狎  
侮好酒及色常從王媼武負貫酒醉卧武負王媼見  
其上常有龍怪之高祖每酤留飲酒讐數倍及見怪  
歲竟此兩家常折券棄責高祖常繇咸陽縱觀慎按  
常時  
車駕出或禁觀者此時觀秦皇帝喟然太息曰嗟乎  
則縱民觀故曰縱觀  
大丈夫當如此也單父人呂公善沛令避仇從之客  
因家沛焉沛中豪傑吏聞令有重客皆往賀蕭何爲



主吏主進令諸大夫曰進不滿千錢坐之堂下高祖  
爲亭長素易諸吏乃給爲謁曰賀錢萬實不持一錢  
謁入呂公大驚起迎之門呂公者好相人見高祖狀  
貌因重敬之引入坐蕭何曰劉季固多大言少成事  
高祖因狎侮諸客遂坐上坐無所詘酒闌呂公因目  
固留高祖高祖竟酒後呂公曰臣少好相人相人多  
矣無如季相願季自愛臣有息女願爲季箕帚妾酒  
罷呂媼怒呂公曰公始常欲奇此女與貴人沛令善



公求之不與、何自妄許與劉季、呂公曰、此非兒女子所知也、卒與劉季、呂公女、乃呂后也、生孝惠、魯元公主、高祖爲亭長時、常告歸之田、呂后與兩子居田中、耨、有一老父過、請飲、呂后因餽之、老父相呂后曰、夫人天下貴人、今相兩子、見孝惠曰、夫人所以貴者、乃此男也、相魯元亦皆貴、老父已去、高祖適從旁舍來、呂后具言客有過相我子母、皆大貴、高祖問曰、未遠、乃追及問老父、老父曰、鄉者夫人嬰兒、皆似君、君相



貴不可言。高祖乃謝曰：誠如父言，不敢忘德。及高祖貴，遂不知老父處。高祖爲亭長，乃以竹皮爲冠，令求盜之薛治之。時時冠之。及貴，常冠所謂劉氏冠，乃是也。高祖以亭長爲縣送徒酈山，徒多道，自度比至，皆亡之。到豐西澤中，止飲。夜，乃解縱所送徒曰：公等皆去。吾亦從此逝矣。徒中壯士願從者十餘人。高祖被酒，夜徑澤中，令一人行前。行前者還報曰：前有大蛇當徑，願還。高祖醉曰：壯士行，何畏？乃前拔劍擊斬。



蛇。蛇遂分爲兩徑，開行數里，醉因卧。後人來至蛇所，  
有一老嫗夜哭，人問何哭。嫗曰：人殺吾子，故哭之。人  
曰：嫗子何爲見殺？嫗曰：吾子，白帝子也，化爲蛇，當道。  
今爲赤帝子斬之，故哭。人乃以嫗爲不誠，欲笞之。嫗  
因忽不見。後人至高祖覺，後人告高祖，高祖乃心獨  
喜，自負諸從者，日益畏之。秦始皇帝常曰：東南有天子  
氣，於是因東游以厭之。高祖卽自疑，亡匿，隱於芒  
碭山澤巖石之間。呂后與人俱求，常得之。高祖怪問



沛令軫宜及  
也

之呂后曰季所居上常有雲氣故從往常得季高祖  
心喜沛中子弟或聞之多欲附者矣秦二世元年秋  
陳勝等起斬至陳而王號爲張楚諸郡縣皆多殺其  
長吏以應陳涉沛令恐欲以沛應涉掾主吏蕭何曹  
參乃曰君爲秦吏今欲背之率沛子弟恐不聽願君  
召諸臣在外者可得數百人因劫衆衆不敢不聽乃  
令樊噲召劉季劉季之衆已數十百人矣於是樊噲  
從劉季來沛令後悔恐其有變乃閉城城守欲誅蕭



譬曉明甚

曹蕭曹恐踰城保劉季，劉季乃書帛射城上，謂沛父老曰：天下苦秦久矣，今父老雖爲沛令，守諸侯並起，今屠沛令，其誅令，擇子弟可立者立之，以應諸侯，則家室完，不然父子俱屠，無爲也。父老乃率子弟共殺沛令，開城門迎劉季，欲以爲沛令。劉季曰：天下方擾，諸侯並起，今置將不善，壹敗塗地，吾非敢自愛，恐能薄，不能完父兄子弟此大事，願更相推擇可者。蕭曹等皆文吏自愛，恐事不就，後秦種族其家，盡讓劉



季諸父老皆曰平生所聞劉季諸珍怪當貴且卜筮  
之莫如劉季最吉於是劉季數讓衆莫敢爲乃立季  
爲沛公祠黃帝祭蚩尤於沛庭而釁鼓旗幟皆赤由  
所殺蛇白帝子殺者赤帝子故上赤於是少年豪吏  
如蕭曹樊噲等皆爲收沛子弟二三千人攻胡陵方  
諱與還守豐秦二世二年陳涉之將周章軍西至戲而  
還燕趙齊魏皆自立爲王項氏起吳秦泗川監平將  
兵圍豐二日出與戰破之命雍齒守豐引兵之薛泗



川守壯敗於薛，走至戚。沛公左司馬得泗川守壯，殺之。沛公還軍亢父，至方與，周市來攻方與，未戰。陳王使魏人周市畧地，周市使人謂雍齒曰：「豐故梁徙也，今魏地已定者數十城，齒今下魏，魏以齒爲侯，守豐不下，且屠豐。」雍齒雅不欲屬沛公，及魏招之，即反，爲魏守豐。沛公引兵攻豐，不能取。沛公病，還之沛。沛公怨雍齒與豐子弟叛之，聞東陽甯君秦嘉立景駒爲假王在畱，乃往從之，欲請兵以攻豐。是時秦將章邯



從陳別將司馬尼將兵北定楚地屠相至碭東陽甯  
君沛公引兵西與戰蕭西不利還收兵聚畱引兵攻  
碭三日乃取碭因收碭兵得五六千人攻下邑拔之  
還軍豐聞項梁在薛從騎百餘往見之項梁益沛公  
卒五千人五大夫將十人沛公還引兵攻豐從項梁  
月餘項羽已拔襄城還項梁盡召別將居薛音耳夷聞陳王  
定死因立楚後懷王孫心爲楚王治盱台項梁號武  
信君居數月北攻元父救東阿破秦軍齊軍歸楚獨



追北使沛公項羽別攻城陽屠之軍濮陽之東與秦軍戰破之秦軍復振守濮陽環水楚軍去而攻定陶定陶未下沛公與項羽西畧地至雍丘之下與秦軍戰大破之斬李由還攻外黃外黃未下項梁再破秦軍有驕色宋義諫不聽秦益章邯兵夜銜枚擊項梁大破之定陶項梁死沛公與項羽方攻陳留聞項梁死引兵與呂將軍俱東呂臣軍彭城東項羽軍彭城西沛公軍碭章邯已破項梁軍則以爲楚地兵不足



不懷宜度德  
不主遺諸將

憂乃渡河北擊趙大破之當是之時趙歇爲王秦將  
王離圍之鉅鹿城此所謂河北之軍也秦二世三年  
楚懷王見項梁軍破恐徒盱眙都彭城并呂臣項羽  
軍自將之以沛公爲碭郡長封爲武安侯將碭郡兵  
封項羽爲長安侯號爲魯公呂臣爲司徒其父呂青  
爲令尹趙數請救懷王乃以宋義爲上將軍項羽爲  
次將范增爲末將北救趙令沛公西畧地入關與諸  
將約先入定關中者王之當是時秦兵彊常乘勝逐



先入關者王  
亦亡道

北諸將莫利先入關獨項羽怨秦破項梁軍奮願與

沛公西入關懷王諸老將皆曰項羽為人慄悍猾賊

字疊二今字

項羽嘗攻襄城襄城無遺類皆阮之諸所過無不殘

滅且楚數進取前陳王項梁皆敗不如更遣長者扶

老成人之言

義而西告諭秦父兄秦父兄苦其主久矣今誠得長

正與入關諭相應

者往毋侵暴宜可下今項羽慄悍今不可遣獨沛公

素寬大長者可遣卒不許項羽而遣沛公西畧地取

陳王項梁散卒乃道碭至成陽與杠里秦軍夾壁破



魏二軍、楚軍出兵擊王離、大破之、沛公引兵西、遇彭越、昌邑、因與俱攻秦軍、戰不利、還至栗、遇剛武侯、奪其軍、可四千餘人、分之、與魏將皇欣、魏申徒武蒲之軍、并攻昌邑、昌邑未拔、西過高陽、酈食其謂監門曰、諸將過此者多、吾視沛公大人長者、乃求見說沛公、沛公方踞牀、使兩女子洗足、酈生不拜、長揖曰、足下必欲誅無道秦、不宜踞見長者、於是沛公起、攝衣謝之、延上坐、食、其說沛公襲陳留、得秦積粟、乃以酈食



其爲廣野君、酈商爲將、將陳留兵、與偕攻開封、開封未拔、西與秦將楊熊戰白馬、又戰曲遇東、大破之、楊熊走之滎陽、二世使使者斬以徇、南攻潁陽、屠之、因

張良遂畧韓地、轅轅、當是時、趙別將司馬卬方欲渡河入關、沛公乃北攻平陰、絕河津南、戰雒陽東、軍不利、還至陽城、收軍中馬騎、與南陽守龔戰犇東、破之、畧南陽郡、南陽守龔走、保城守宛、沛公引兵過而西、張良諫曰、沛公雖欲急入關、秦兵尚衆、距險、今不下

唐太宗攻長  
安正犯此忌



於是時秦安  
兵不如秦道  
戰強

宛宛從後擊彊秦在前此危道也於是沛公乃夜引  
兵從他道還更旗幟黎明圍宛城三匝南陽守欲自  
到其舍人陳恢曰死未晚也乃踰城見沛公曰臣聞  
足下約先入咸陽者王之今足下畱守宛宛大郡之  
都也連城數十人民衆積蓄多吏人自以爲降必死  
故皆堅守乘城今足下盡日止攻士傷死者必多引  
兵去宛宛必隨足下後足下前則失咸陽之約後又  
有彊宛之患爲足下計莫若約降封其守因使止守



用其人以守  
用其兵以戰  
真良策

引其甲卒與之西。諸城未下者聞聲，爭開門而待。足  
下通行無所累。沛公曰：「善。」乃以宛守爲殷侯，封陳恢  
千戶，引兵西。無不下者。至丹水，高武侯鯁、襄侯王陵  
降西陵，還攻胡陽，遇番君別將梅銷，與皆降。析酈遣  
魏人甯昌使秦，使者未來。是時章邯已以軍降項羽，  
於趙矣。初，項羽與宋義北救趙，及項羽殺宋義，代爲  
上將軍，諸將黥布皆屬。破秦將王離軍，降章邯。諸侯  
皆附，及趙高已殺二世，使人來，欲約分王關中。沛公



須溪曰兩言

大破之又言

遂破之又如

破竹之勢漢

書刪其複無

此痛快也

以爲詐乃用張良計使酈生陸賈往說秦將啗以利  
因襲攻武關破之又與秦軍戰於藍田南益張疑兵  
旗幟諸所過毋得掠鹵秦人喜秦軍解因大破之又  
戰其北大破之乘勝遂破之

漢元年十月沛公兵遂先諸侯至霸上秦王子嬰素  
車白馬係頸以組封皇帝璽符節降軹道旁諸將或  
言誅秦王沛公曰始懷王遣我固以能寬容且人已  
服降又殺之不祥乃以秦王屬吏遂西入咸陽欲止



王者之兵若  
時雨

與父老約讀

王厚齋先生

點法、原評

須溪云按堵

如故非古語

也出於帝王

之口如此可

謂簡盡

宮休舍樊噲張良諫乃封秦重寶財物府庫還軍霸

上召諸縣父老豪傑曰父老苦秦苛法久矣誹謗者

族偶語者棄市吾與諸侯約先入關者王之吾當王

關中與父老約法三章耳殺人者死傷人及盜抵罪

餘悉除去秦法諸吏人皆案堵如故○三代○無○畏○害○凡吾所以來為

父老除害非有所侵暴無恐且吾所以還軍霸上待

諸侯至而定約束耳乃使人與秦吏行縣鄉邑告諭

之秦人大喜爭持牛羊酒食獻饗軍士沛公又讓不



杜

結

甚謬

曹無傷語多  
激豈不得於

受曰倉粟多非乏不欲費人人又益喜唯恐沛公不  
爲秦王或說沛公曰秦富十倍天下地形彊今聞章  
邯降項羽項羽乃號爲雍王王關中今則來沛公恐  
不得有此可急使兵守函谷關無內諸侯軍稍徵關  
中兵以自益距之沛公然其計從之十一月中項羽  
果率諸侯兵西欲入關關門閉聞沛公已定關中大  
怒使黥布等攻破函谷關十二月中遂至戲沛公左  
司馬曹無傷聞項王怒欲攻沛公使人言項羽曰沛



公欲敗之耶  
是當誅

公欲王關中。今子嬰爲相，珍寶盡有之，欲以求封。亞父勸項羽擊沛公，方饗士，旦日合戰。是時項羽兵四十萬，號百萬；沛公兵十萬，號二十萬，力不敵。會項伯欲活張良，夜往見良，因以文諭項羽。項羽乃止。沛公從百餘騎，驅之鴻門，見謝項羽。項羽曰：「此沛公左司馬曹無傷言之，不然籍何以至此？」沛公以樊噲、張良故得解歸，歸立誅曹無傷。項羽遂西屠燒咸陽，秦宮室所過無不殘破，秦人大失望，然恐不敢不服耳。項



羽使人還報懷王。懷王曰：「如約。」項羽怨懷王不肯令與沛公俱西入關，而北救趙。後天下約，乃曰：「懷王者，吾家項梁所立耳，非有功伐，何以得主約？本定天下，諸將及籍也，乃佯尊懷王爲義帝，實不用其命。」正月，項羽自立爲西楚霸王，王梁、楚地九郡，都彭城。負約，吏立沛公爲漢王，王巴、蜀、漢中，都南鄭。三分關中，立秦三將：章邯爲雍王，都廢丘；司馬欣爲塞王，都櫟陽；董翳爲翟王，都高奴。楚將瑕丘申陽爲河南王，都雒



陽趙將司馬卬爲殷王都朝歌趙王歇徙王代趙相  
張耳爲常山王都襄國當陽君黥布爲九江王都六

懷王柱國英敖爲臨江王都江陵番君呂敖爲衡山

王都邾燕將臧荼爲燕王都薊故燕王韓廣徙王遼

東廣不聽臧荼攻殺之無終封成安君陳餘河間三

縣居南皮封梅銷十萬戶四月兵罷戲下諸侯各就

國漢王之國項王使卒三萬人從楚與諸侯之幕從

者數萬人從杜南入蠡中去輒燒絕棧道以備諸侯

最妙退一步

以我帝於江

中擊死故



示無意東安  
項王之心

因勢利導

盜兵襲之亦示項羽無東意至南鄭諸將及士卒多  
道亡歸士卒皆歌思東歸韓信說漢王曰項羽王諸  
將之有功者而王獨居南鄭是遷也

幸昭曰若有  
罪見遷徙

軍

吏士卒皆山東之人也日夜跂而望歸及其鋒而用  
之可以有大功天下已定人皆自寧不可復用不如  
決策東鄉爭權天下項羽出關使人徙義帝曰古之  
帝者地方千里必居上游乃使使徙義帝長沙郴縣  
趣義帝行羣臣稍倍叛之乃陰令衡山王臨江王擊



之殺義帝江南、項羽怨田榮、立齊將田都爲齊王、田榮怒、因自立爲齊王、殺田都而反楚、予彭越將軍印、今反梁地、楚令蕭公角擊彭越、彭越大破之、陳餘怨項羽之弗王已也、令夏說說田榮、請兵擊張耳、齊予陳餘兵、擊破常山王張耳、張耳亡歸漢、迎趙王歇於代、復立爲趙王、趙王因立陳餘爲代王、項羽大怒、北擊齊、八月、漢王用韓信之計、從故道還襲雍王章邯、邯迎擊漢陳倉、雍兵敗、還走、止戰好畤、又復敗、走廢



丘漢王遂定雍地東至咸陽引兵圍雍王廢丘而遣諸將畧定隴西北地上郡令將軍薛歐王吸出武關因王陵兵南陽以迎太公呂后於沛楚聞之發兵距之陽夏不得前令故吳令鄭昌爲韓王距漢兵

二年漢王東畧地塞王欣翟王翳河南王申陽皆降韓王昌不聽使韓信擊破之於是置隴西北地上郡渭南河上中地郡關外置河南郡更立韓太尉信爲韓王諸將以萬人若以一郡降者封萬戶繕治河上



塞諸故秦苑囿園池，皆令人得田之。正月，虜雍王弟章平，大赦罪人。漢王之出關，至陝，撫關外父老，還張耳來見漢王，厚遇之。二月，令除秦社稷，更立漢社稷。三月，漢王從臨晉渡，魏王豹將兵從，下河內。虜殷王置河內郡，南渡平陰津，至雒陽新城，三老董公遮說漢王，以義帝死故。漢王聞之，袒而大哭，遂爲義帝發喪，臨三日，發使者告諸侯曰：「天下共立義帝，北面事之。今項羽放殺義帝於江南，大逆無道，寡人親爲發。」



真西山曰不  
曰率諸侯王  
而曰願從諸  
侯王不曰擊  
項羽而曰擊  
楚之殺義帝  
者辭不迫切  
而意已獨至  
猶有古辭命  
氣象

喪諸侯皆縞素悉發關內兵收三河士南浮江漢以  
下願從諸侯王擊楚之殺義帝者是時項王北擊齊  
田榮與戰城陽田榮敗走平原平原民殺之齊皆降  
楚楚因焚燒其城郭繫虜其子女齊人叛之田榮弟  
橫立榮子廣爲齊王齊王反楚城陽項羽雖聞漢東  
既已連齊兵欲遂破之而擊漢漢王以故得劫五諸  
侯兵遂入彭城項羽聞之乃引兵去齊從魯出胡陵  
至蕭與漢大戰彭城靈壁東睢水上大破漢軍多殺



須溪曰此兩

九江王布鄒

重有精米文

語內無贅無

斐

士卒睢水爲之不流、乃取漢王父母妻子於沛、置之  
軍中、以爲質、當是時、諸侯見楚、彊、漢敗、還、皆去、漢、復  
爲楚、塞王欣、入楚、呂后兄周呂侯、爲漢將、兵居下  
邑、漢王從之、稍收士卒、軍碭、漢王乃西、過梁地、至虞、  
使謁者隨何之九江王布所、曰、公能令布舉兵叛楚、  
項羽必留擊之、得留數月、吾取天下必矣、隨何往說  
九江王布、布果背楚、楚使龍且往擊之、漢王之敗彭  
城而西行、使人求家室、家室亦亡、不相得、敗後、乃獨



得孝惠、六月、立爲太子、大赦罪人、令太子守櫟陽、諸

步步皆與王之客事事別

侯子在關中者、皆集櫟陽爲衛、引水灌廢丘、廢丘降、  
章邯自殺、更名廢丘爲槐里、於是令祠官祀天地四  
方上帝山川以時祀之、興關內卒乘塞、是時九江王  
布與龍且戰、不勝、與隨何間行歸漢、漢王稍收士卒、  
與諸將及關中卒益出、是以兵大振、滎陽破、楚京索  
間、

三年、魏王豹謁歸視親疾、至、卽絕河津、反爲楚、漢王



使酈生說豹，豹不聽。漢王遣將軍韓信，擊大破之，虜  
豹遂定魏地，置三郡，曰河東、太原、上黨。漢王乃令張  
耳與韓信，遂東下井陘，擊趙，斬陳餘，趙王歇，其明年  
立張耳爲趙王。漢王軍滎陽南，築甬道屬之河，以取  
敖倉，與項羽相距。歲餘，項羽數侵奪漢甬道，漢軍乏  
食，遂圍漢王。漢王請和，割滎陽以西者爲漢，項王不  
聽。漢王患之，乃用陳平之計，予陳平金四萬斤，以間  
䟽楚君臣。於是項羽乃疑亞父，亞父是時勸項羽遂

須溪云以泗  
上亭長視四

萬斤金如土

錢之一決不



疑其志氣吞  
羽數倍

下滎陽及其見疑乃怒辭老願賜骸骨歸卒伍未至  
彭城而死漢軍絕食乃夜出女子東門二千餘人被  
甲楚因四面擊之將軍紀信乃乘王駕詐爲漢王誑  
楚楚皆呼萬歲之城東觀以故漢王得與數十騎出  
西門遁今御史大夫周苛魏豹樅公守滎陽諸將卒  
不能從者盡在城中周苛樅公相謂曰反國之王難  
與守城因殺魏豹漢王之出滎陽入關收兵欲復東  
袁生說漢王曰漢與楚相距滎陽數歲漢常困願君



王出武關，項羽必引兵南走。王深壁，令滎陽成皐間，且得休，使韓信等輯河北趙地，連燕齊。君王乃復走滎陽，未晚也。如此，則楚所備者多，力分，漢得休，復與之戰，破楚必矣。漢王從其計，出軍宛葉間，與黥布行收兵。項羽聞漢王在宛，果引兵南，漢王堅壁不與戰。是時彭越、張敖、陳王與項聲、薛公戰下邳，彭越大破楚軍。項羽乃引兵東擊彭越，漢王亦引兵北，軍成皐。項羽已破走彭越，聞漢王復軍成皐，乃復引兵西拔滎

羽所至豈不無敵但團走



不佳故自屈  
其力

陽誅周苛樅公而虜韓王信遂圍成臯漢王跳獨與  
滕公共車出成臯玉門北渡河馳宿修武自稱使者  
晨馳入張耳韓信壁而奪之軍乃使張耳北益收兵  
趙地使韓信東擊齊漢王得韓信軍則復振引兵臨  
河南饗軍小修武南欲復戰郎中鄭忠乃說止漢王  
使高壘深塹勿與戰漢王聽其計使盧綰劉賈將卒  
二萬人騎數百渡白馬津入楚地與彭越復擊破楚  
軍燕郭西遂復下梁地十餘城淮陰已受命東未渡



史記卷一百一十五  
卷一百一十五  
平原漢王使酈生往說齊王田廣，廣叛楚與漢和。莫  
擊項羽，韓信用蒯通計，遂襲破齊。齊王烹酈生，東走  
高密。項羽聞韓信已舉河北兵，破齊趙，且欲擊楚，則  
使龍且、周蘭往擊之。韓信與戰，騎將灌嬰擊大破楚  
軍，殺龍且，齊王廣、彭越。當此時，彭越將兵居梁地，  
往來苦楚兵絕其糧食。

四年，項羽乃謂海春侯大司馬曹咎曰：「謹守成皐，若  
漢挑戰，慎勿與戰，無令得東而已。我十五日，必定梁。」



地復從將軍、乃行擊陳、留外黃、睢陽、下之。漢果數挑楚軍、楚軍不出、使人辱之。五六日、大司馬怒、度兵汜水、士卒半渡、漢擊之、大破楚軍、盡得楚國金玉貨賂。大司馬咎、長史欣皆自剄汜水上。項羽至睢陽、聞海春侯破、乃引兵還。漢軍方圍鍾離、昧於滎陽東。項羽至、盡走險阻。韓信已破齊、使人言曰：「齊邊楚、權輕不爲假王、恐不能安齊。」漢王欲攻之。留侯曰：「不如因而立之、使自爲守。」乃遣張良操印綬、立韓信爲齊王。項



羽聞龍且軍破則恐、使盱台人武涉往說韓信、韓信不聽、楚漢久相持未決、丁壯苦軍旅、老弱罷轉餉、漢王項羽相與臨廣武之間而語、項羽欲與漢王獨身挑戰、漢王數項羽曰、始與項羽俱受命懷王曰、先入定關中者王之、項羽負約、王我於蜀漢、罪一、項羽矯殺卿子冠軍而自尊、罪二、項羽已救趙、當還報而擅劫諸侯兵入關、罪三、懷王約入秦、無暴掠、項羽燒秦宮室、掘始皇帝冢、私收其財物、罪四、又彊殺秦降王



結妙

此一段只當

布文告間數

故被傷危哉

危哉

子嬰罪五、詐阮秦子弟新安二十萬、王其將、罪六、項羽皆王諸將善地、而徙逐故主、令臣下爭叛、逆罪七、項羽出逐義帝彭城、自都之、奪韓王地、并王梁楚、多自予、罪八、項羽使人陰弑義帝江南、罪九、夫爲人臣而弑其主、殺已降、爲政不平、主約不信、天下所不容、大逆無道、罪十也、吾以義兵從諸侯誅殘賊、使刑餘罪人、擊殺項羽、何苦、乃與公挑戰、項羽大怒、伏弩射中漢王、漢王傷胷、乃捫足曰、虜中吾指、漢王病創臥、



須臾陽胸要  
害倉卒捫足極  
未易矯母今楚  
乘勝於漢語重  
有力汲汲入關  
置酒留四日安  
父老心蓋恨傳  
聞之託也

錄

李元陽曰高祖

始終得關中之

久關中人心所

以不忘者秋毫

無犯約法三章

之效也

張良彊請漢王起行勞軍以安士卒母令楚乘勝於  
漢漢王出行軍病甚因馳入成臯病愈西入關至櫟  
陽存問父老置酒梟故塞王欣頭櫟陽市留四日復  
如軍軍廣武關中兵益出當此時彭越將兵居梁地  
往來苦楚兵絕其糧食田橫往從之項羽數擊彭越  
等齊王信又進擊楚項羽恐乃與漢王約中分天下  
割鴻溝而西者爲漢鴻溝而東者爲楚項王歸漢王  
父母妻子軍中皆呼萬歲乃歸而別去項羽解而東



東萊呂氏曰  
此陣卽馬隆  
所謂魯公不  
識者也

兵窮力殫食  
盡衆合乃一

歸漢王欲引而西歸用留侯陳平計乃進兵追項羽  
至陽夏南止軍與齊王信建成侯彭越期會而擊楚  
軍至固陵不會楚擊漢軍大破之漢王復入壁深塹  
而守之用張良計於是韓信彭越皆往及劉賈入楚  
地圍壽春漢王敗固陵乃使使者召大司馬周殷舉  
九江兵而迎之武王行屠城父隨何劉賈齊梁諸侯  
皆大會垓下立武王布爲淮南王

五年高祖與諸侯兵共擊楚軍與項羽決勝垓下淮



戰而王

須溪云孔將軍

費將軍復自何

來漢初何人物

之多何一時得

助之多

升庵慎曰高祖

與項羽決勝垓

下僅六十字而

陣法戰法之奇

皆具柴將軍在

皇帝後以上陳

法也淮陰侯先

合而下戰法也

曰不利用奇也

既却而左右兵

陰侯將三十萬、自當之、孔將軍居左、費將軍居右、皇帝在後、絳侯柴將軍在皇帝後、項羽之卒可十萬、淮陰先合、不利、却、孔將軍費將軍縱、楚兵不利、淮陰侯復乘之、大敗垓下、項羽卒聞漢軍楚歌、以為漢盡得楚地、項羽乃敗而走、是以兵大敗、使騎將灌嬰追殺項羽東城、斬首八萬、遂畧定楚地、魯為楚堅守不下、漢王引諸侯兵、北示魯父老項羽頭、魯乃降、遂以魯公號、葬項羽穀城、還至定陶、馳入齊王壁、奪其軍、正



縱固其不利而  
棄之此戰法奇  
正相生也

月諸侯及將相相與莫請尊漢王爲皇帝漢王曰吾  
聞帝賢者有也空言虛語非所守也吾不敢當帝位  
羣臣皆曰大王起微細誅暴逆平定四海有功者輒  
裂地而封爲王侯大王不尊號皆疑不信臣等以死  
守之漢王三讓不得已曰諸君必以爲便便國家甲  
午乃卽皇帝位汜水之陽皇帝曰義○帝○無○後○讀至此使皇帝曰義帝無後齊王韓  
信習楚風俗徙爲楚王都下邳立建成侯彭越爲梁  
王都定陶故韓王信爲韓王都陽翟徙衡山王吳芮



爲長沙王、都臨湘、番君之將梅鋗有功、從入武關、故  
德番君、淮南王布、燕王臧荼、趙王敖、皆如故、天下大  
定、高祖都雒陽、諸侯皆臣屬、故臨江王驩爲項羽叛  
漢、今盧綰、劉賈圍之、不下數月而降、殺之、雒陽五月、  
兵皆罷歸家、諸侯子在關中者、復之十二歲、其歸者、  
復之六歲、食之一歲、高祖置酒雒陽南宮、高祖曰、列  
侯諸將、無敢隱朕、皆言其情、吾所以有天下者何、項  
氏之所以失天下者何、高起、王陵對曰、陛下慢而侮



人項羽仁而愛人然陛下使人攻城畧地所降下者  
歲得天下因以予之與天下同利也項羽妬賢嫉能有功者害  
之賢者疑之戰勝而不予人功得地而不予人利此  
所以失天下也高祖曰公知其一未知其二夫運籌  
策帷帳之中決勝於千里之外吾不如子房鎮國家  
撫百姓給餽饗不絕糧道吾不如蕭何連百萬之軍  
戰必勝攻必取吾不如韓信此三者皆人傑也吾能  
用之此吾所以取天下也項羽有一范增而不能用



此其所以爲我擒也。高祖欲長都雒陽，齊人劉敬說及留侯勸上入都關中。高祖是日駕入都關中。六月，大赦天下。十月，燕王臧荼反，攻下代地。高祖自將擊之，得燕王臧荼，卽立太尉盧綰爲燕王，使丞相噲將兵攻代。其秋，利幾反。高祖自將兵擊之，利幾走。利幾者，項氏之將。項氏敗，利幾爲陳公，不隨項羽，降高祖。高祖侯之潁川。高祖至雒陽，舉通侯籍召之，而利幾恐，故反。



晉劉寶曰善其發悟已心因得尊崇父號也

六年高祖五日一朝太公如家人父子禮太公家令說太公曰天無二日土無二王今高祖雖子人主也太公雖父人臣也奈何令人主拜人臣如此則威重不行後高祖朝太公擁篲迎門却行高祖大驚下扶太公太公曰帝人主也奈何以我亂天下法於是高祖乃尊太公爲太上皇心善家令言賜金五百斤十二月人有上變事告楚王信謀反上問左右左右爭欲擊之用陳平計乃僞遊雲夢會諸侯於陳楚王信



迎卽因執之。是日大赦天下。田肯賀。因說高祖曰。甚善。陛下得韓信。又治秦中。秦形勝之國。帶河山之險。縣隔千里。持戟百萬。秦得百二焉。地勢便利。其以下兵於諸侯。譬猶居高屋之上。建瓴水也。夫齊東有琅邪。卽墨之饒。南有泰山之固。西有濁河之限。北有勃海之利。地方二千里。持戟百萬。縣隔千里之外。齊得十二焉。故此東西秦也。非親子弟。莫可使王齊矣。高祖曰。善。賜黃金五百斤。後十餘日。封韓信爲淮陰侯。



王伯厚曰書  
分封如此則  
函谷之內外  
淮水之東西  
豁然可見

分其地爲二國高祖曰將軍劉賈數有功以爲荆王  
王淮東弟交爲楚王王淮西子肥爲齊王王七十餘  
城民能齊言者皆屬齊乃論功與諸列侯剖符行封  
徙韓王信太原

七年匈奴攻韓王信馬邑信因與同謀反太原白土  
曼丘臣王黃立故趙將趙利爲王以反高祖自往擊  
之會天寒士卒墮指者什二三遂至平城匈奴圍我  
平城七日而後罷去令樊噲止定代地立兄劉仲爲



代王二月高祖自平城過趙雒陽至長安長樂宮成  
丞相已下徙治長安

八年高祖東擊韓王信餘反寇於東垣蕭丞相營作  
未央宮立東闕壯闕前殿武庫太倉高祖還見宮闕  
壯甚怒謂蕭何曰天下匈匈苦戰數歲成敗未可知  
是何治宮室過度也蕭何曰天下方未定故可因遂  
就宮室且夫天子以四海爲家非壯麗無以重威且  
無令後世有以加也高祖乃說高祖之東垣過栢人



趙相貫高等謀弑高祖。高祖心動，因不畱代王劉仲棄國，亡自歸雒陽，廢以爲合陽侯。

九年，趙相貫高等事發覺，夷三族，廢趙王敖爲宣平侯。是歲，徙貴族，楚昭、屈景、懷、齊、田氏關中。未央宮成，高祖大朝諸侯羣臣，置酒未央前殿。高祖奉玉卮，起爲太上皇壽，曰：「始大人常以臣無賴，不能治產業，不如仲力。今某之業所就，孰與仲多？」殿上羣臣皆呼萬歲，大笑爲樂。



先收代吏民  
心

識地形

十年十月淮南王黥布梁王彭越燕王盧綰荆王劉  
賈楚王劉交齊王劉肥長沙王吳芮皆來朝長樂宮  
春夏無事七月太上皇崩櫟陽宮楚王梁王皆來送  
葬赦櫟陽囚更命酈邑曰新豐八月趙相國陳豨反  
代地上曰豨嘗爲吾使甚有信代地吾所急也故封  
豨爲列侯以相國守代今乃與王黃等劫掠代地代  
地吏民非有罪也其赦代吏民九月上自東往擊之  
至邯鄲上喜曰豨不南據邯鄲而阻漳水吾知其無



能爲也。聞猋將皆故賈人也。上曰：「吾知所以與之，乃得。」乃多以金啗猋將，猋將多降者。

十一年，高祖在邯鄲，誅猋等未畢，猋將侯敞將萬餘人游行，王黃軍曲逆，張春渡河擊聊城。漢使將軍郭

先翦羽翼

徑別道

蒙與齊將擊，大破之。太尉周勃道太原入定代地，至馬邑。馬邑不下，卽攻殘之。猋將趙利守東垣，高祖攻之不下，月餘，卒罵高祖。高祖怒，城降，令出罵者斬之，不罵者原之。於是乃分趙山北，立子恒以爲代王，都

終寬



晉陽春、淮陰侯韓信謀反關中、夷三族、戔梁王彭越、  
謀反、廢遷蜀、復欲反、遂夷三族、立子恢爲梁王、子友  
爲淮陽王、秋七月、淮南王黥布反、東并荊王劉賈地、  
北渡淮、楚王交走入薛、高祖自往擊之、立子長爲淮  
南王、

十二年十月、高祖已擊布軍會甄、布走、令別將追之、  
高祖還歸過沛、畱置酒沛宮、悉召故人父老子弟縱  
酒、發沛中兒、得百二十人、教之歌、酒酣、高祖擊筑、自



須溪云安得  
猛士守四方  
古人以為伯  
心之存非也  
自韓信死彭  
越死黥布反  
同時諸將皆  
盡於是四顧  
寂寥有傷心  
者矣語雖壯  
而意悲自是  
亦道病矣或  
者其悔心之  
萌乎

為歌詩曰大風起兮雲飛揚威加海內兮歸故鄉安  
得猛士兮守四方令兒皆和習之高祖乃起舞慷慨  
傷懷泣數行下謂沛父兄曰游子悲故鄉吾雖都關  
中萬歲後吾魂魄猶樂思沛且朕自沛公以誅暴逆  
遂有天下其以沛為朕湯沐邑復其民世世無有所  
與沛父兄諸母故人日樂飲極驩道舊故為笑樂十  
餘日高祖欲去沛父兄固請畱高祖高祖曰吾人眾  
多父兄不能給乃去沛中空縣皆之邑西獻高祖復



後之爲史者  
曰還沛置酒

召故人極歡

足矣看他發

沛中兒教歌

至酒酣擊筑

歌呼起舞展

轉泣下纒二

不絕俯仰其

至直到空縣

出獻已去復

留諸母故人

道故舊又佳

對父老說豐

恨事又佳古

今文字淋漓

留止張飲三日沛父兄皆頓首曰沛幸得復豐未復

唯陛下哀憐之高祖曰豐吾所生長極不忘耳吾特

爲其以雍齒故反我爲魏沛父兄固請乃并復豐比

沛於是拜沛侯劉濞爲吳王漢將別擊布軍洮水南

北皆大破之追得斬布鄱陽樊噲別將兵定代斬陳

豨當城十一月高祖自布軍至長安十二月高祖曰

秦始皇帝楚隱王陳涉魏安釐王齊湣王趙悼襄王

皆絕無後予守冢各十家秦皇帝二十家魏公子無



盡興言、  
情少可及此

忌五家、赦代地吏民爲陳豨趙利所劫掠者、皆赦之。  
陳豨降將言、豨反時、燕王盧綰使人之豨所、與陰謀。  
上使辟陽侯迎綰、綰稱病、辟陽侯歸、具言綰反有端。  
矣。二月、使樊噲周勃將兵擊燕王綰、赦燕吏民與反。  
者、立皇子建爲燕王。高祖擊布時、爲流矢所中、行道。  
病、病甚、呂后迎良醫、醫入見、高祖問醫、醫曰、病可治。  
於是高祖嫚罵之曰、吾以布衣提三尺劍、取天下、此。  
非天命乎、命乃在天、雖扁鵲何益、遂不使治病、賜金。



如燭照數計  
真知人善任  
使定呂難便  
令呂后掌握  
云妙

皇甫謐曰高  
祖以秦昭王  
五十二年生  
至漢十二年  
年六十三

五十斤罷之已而呂后問曰陛下百歲後蕭相國卽  
死今誰代之上曰曹參可問其次上曰王陵可然陵  
少戇陳平可以助之陳平智有餘然難以獨任周勃  
重厚少文然安劉氏者必勃也可今爲太尉呂后復  
問其次上曰此後亦非而所知也盧綰與數千騎居  
塞下候伺幸上病愈自入謝四月甲辰高祖崩長樂  
宮四日不發喪呂后與審食其謀曰諸將與帝爲編  
戶民今北面爲臣此常怏怏今乃事少主非盡族是



天下不安、人或聞之、語酈將軍、酈將軍往見、審食其、  
曰、吾聞帝已崩、四日不發喪、欲誅諸將、誠如此、天下  
危矣、陳平灌嬰將十萬守滎陽、樊噲周勃將二十萬  
定燕代、此聞帝崩、諸將皆誅、必連兵還鄉、以攻關中、  
大臣內叛、諸侯外反、亡可翹足而待也、審食其入言  
之、乃以丁未發喪、大赦天下、盧綰聞高祖崩、遂亡入  
匈奴、丙寅葬已巳、立太子、至太上皇廟、羣臣皆曰、高  
祖起微細、撥亂世、反之正、平定天下、爲漢太祖、功最



高上尊號爲高皇帝太子襲號爲皇帝孝惠帝也今郡國諸侯各立高祖廟以歲時祠及孝惠五年思高祖之悲樂沛以沛宮爲高祖原廟高祖所教歌兒百二十人皆令爲吹樂後有缺輒補之高帝八男長庶齊悼惠王肥次孝惠呂后子次戚夫人子趙隱王如意次代王恒已立爲孝文帝薄太后子次梁王恢呂太后時徙爲趙某王次淮陽王友呂太后時徙爲趙幽王次淮南厲王長次燕王建



太史公曰、夏之政忠、忠之敝、小人以野、故殷人承之以敬、敬之敝、小人以鬼、故周人承之以文、文之敝、小人以僂、故救僂莫若以忠、三王之道、若循環、終而復始、周秦之間、可謂文敝矣、秦政不改、反酷刑法、豈不繆乎、故漢興、承敝易變、使人不倦、得天統矣、朝以十月、車服黃屋、左纁、葬長陵、



吳語內系

卷二



漢書分惠帝

呂后各爲紀

又事蹟甚

# 呂后本紀

呂太后者高祖微時妃也。生孝惠帝。女魯元太后。及高祖爲漢王。得定陶戚姬。愛幸。生趙隱王如意。孝惠爲人仁弱。高祖以爲不類我。常欲廢太子。立戚姬子如意。如意<sup>古</sup>如意類我。戚姬幸。常從上之關東。日夜啼泣。欲立其子代太子。呂后年長。常畱守。希見上。益䟽。如意立爲趙王。後幾代太子者數矣。賴大臣爭之。及畱侯策。太子得毋廢。呂后爲人剛毅。佐高祖定天下。所誅



大臣多呂后力、呂后兄二人皆爲將、長兄周呂侯、死  
事、封其子呂台爲酈侯、子產爲交侯、次兄呂釋之爲  
建成侯、高祖十二年四月甲辰崩、長樂宮、太子襲號  
爲帝、是時高祖八子、長男肥、孝惠兄也、異母、肥爲齊  
王、餘皆孝惠弟、戚姬子如意爲趙王、薄夫人子恒爲  
代王、諸姬子、子恢爲梁王、子友爲淮陽王、子長爲淮  
南王、子建爲燕王、高祖弟交爲楚王、兄子濞爲吳王、  
非劉氏功臣番君吳芮子臣爲長沙王、呂后最怨戚



夫人及其子趙王，廼令永巷囚戚夫人而召趙王。使者三反，趙相建平侯周昌謂使者曰：「高帝屬臣趙王，趙王年少，竊聞太后怨戚夫人，欲召趙王并誅之，臣不敢遣王。王且亦病，不能奉詔。」呂后大怒，廼使人召趙相，趙相微至長安，廼使人復召趙王。王來，未到，孝惠帝慈仁，知太后怒，自迎趙王霸上，與入宮，自挾與趙王起居飲食。太后欲殺之，不得間。孝惠元年十二月，帝晨出射，趙王少，不能蚤起。太后聞其獨居，使人



持醢飲之。犁明，孝惠還。趙王已死，於是廼徙淮陽王友爲趙王。夏，詔賜酈侯父追諡爲武令侯。太后遂斷戚夫人手足，去眼燭耳，飲瘖藥，使居廁中，命曰「人彘」。居數日，廼召孝惠帝觀人彘。孝惠見，問知其戚夫人，廼大哭，因病歲餘不能起。使人請太后曰：「此非人所爲。臣爲太后子，終不能治天下。」孝惠以此日飲爲淫樂，不聽政。故有病也。二年，楚元王、齊悼惠王皆來朝。十月，孝惠與齊王燕飲太后前，孝惠以爲齊王兄，置



上坐如家人之禮。太后怒，廼令酌兩卮醢，置前。令齊王起爲壽。齊王起，孝惠亦起，取卮欲俱爲壽。太后廼恐，自起泛孝惠卮。齊王怪之，因不敢飲，諱醉去。間知其醢，齊王恐，自以爲不得脫長安，憂。齊內史士說王曰：「太后獨有孝惠與魯元公主，今王有七十餘城，而公主廼食數城。王誠以一郡上太后，爲公主湯沐邑，太后必喜，王必無憂。」於是齊王廼上城陽之郡，尊公主爲王太后。呂后喜，許之，廼置酒齊邸，樂飲罷歸齊。



王三年、方築長安城、四年就半、五年六年城就、諸侯來會、十月朝賀、七年秋八月戊寅、孝惠帝崩、發喪、太后哭泣不下、留侯子張辟彊爲侍中、年十五、謂丞相曰、太后獨有孝惠、今崩、哭不泣、君知其解乎、丞相曰、何解、辟彊曰、帝母壯子、太后畏君等、君今請拜呂台、呂產、呂祿爲將、將兵、居南北軍、及諸呂皆入宮居中用事、如此則太后心安、君等幸得脫禍矣、丞相廼如辟彊計、太后說其哭、廼哀呂氏權、由此起、廼大赦天



下九月辛丑葬太子卽位爲帝謁高廟元年號今一出太后太后稱制議欲立諸呂爲王問右丞相王陵王陵曰高帝刑白馬盟曰非劉氏而王天下共擊之今王呂氏非約也太后不說問左丞相陳平絳侯周勃等對曰高帝定天下王子弟今太后稱制王昆弟諸呂無所不可太后喜罷朝王陵讓陳平絳侯曰始與高帝噀血盟諸君不在邪今高帝崩太后女主欲王呂氏諸君縱欲阿意背約何面目見高帝地下



陳平絳侯曰、於今面折廷爭、臣不如君、夫全社稷、定  
劉氏之後、君亦不如臣、王陵無以應之、十一月、太后  
欲廢王陵、乃拜爲帝太傅、奪之相權、王陵遂病免歸、  
廼以左丞相平爲右丞相、以辟陽侯審食其爲左丞  
相、左丞相不治事、令監宮中、如郎中令、食其故得幸  
太后、常用事、公卿皆因而決事、廼追尊酈侯父爲悼  
武王、欲以王諸呂、爲漸、四月、太后欲侯諸呂、廼先封  
高祖之功臣、郎中令無擇爲博城侯、魯元公主薨、賜



謚爲魯元太后子偃爲魯王魯王父宣平侯張敖也  
封齊悼惠王子章爲朱虛侯以呂祿女妻之齊丞相  
壽爲平定侯少府延爲梧侯乃封呂種爲沛侯呂平  
爲扶柳侯張買爲南宮侯太后欲王呂氏先立孝惠  
後宮子彊爲淮陽王子不疑爲常山王子山爲襄城  
侯子朝爲軹侯子武爲壺關侯太后風大臣大臣請  
立酈侯呂台爲呂王太后許之建成康侯釋之卒嗣  
子有罪廢立其弟呂祿爲胡陵侯續康侯後二年常



山王薨以其弟襄成侯山爲常山王，更名義。十一月，呂王台薨，諡爲肅王。太子嘉代立爲王。三年無事。四年，封呂頹爲臨光侯，呂他爲俞侯，呂更始爲贅其侯。呂忿爲呂成侯，及諸侯丞相五人。宣平侯女爲孝惠皇后，時無子，詐爲有身，取美人子名之，殺其母，立所名子爲太子。孝惠崩，太子立爲帝。帝壯，或聞其母死，非眞皇后子，廼出言曰：「后安能殺吾母而名我？」我未壯，壯卽爲變。太后聞而患之，恐其爲亂，廼幽之永巷。



中言帝病甚，左右莫得見。太后曰：「凡有天下，治爲萬民命者，蓋之如天，容之如地，上有歡心，以安百姓，百姓欣然，以事其上，歡欣交通，而天下治。今皇帝病久不已，廼失惑，昏亂，不能繼嗣，奉宗廟祭祀，不可屬天下，其代之。」羣臣皆頓首言：「皇太后爲天下齊民計，所以安宗廟社稷，甚深。」羣臣頓首奉詔，帝廢位，太后幽殺之。五月丙辰，立常山王義爲帝，更名曰弘，不稱元年者，以太后制天下事也。以軹侯朝爲常山王，置太



尉官絳侯勃爲太尉，五年八月，淮陽王薨，以弟壺關侯武爲淮陽王。六年十月，太后曰：「呂王嘉居處驕恣，廢之以肅王台弟呂產爲呂王。」夏，赦天下，封齊悼惠王子興居爲東牟侯。七年正月，太后召趙王友，友以諸呂女爲后，弗愛，愛他姬。諸呂女妬，怒，去讒之於太后，誣以罪過，曰：「呂氏安得王？太后百歲後，吾必擊之。」太后怒，以故召趙王。趙王至，置邸不見，令衛圍守之，弗與食。其羣臣或竊饋，輒捕論之。趙王餓，乃歌曰：「諸



呂用事兮，劉氏危，迫脅王侯兮，疆授我妃，我妃既妬  
兮，誣我以惡，讒女亂國兮，上曾不寤，我無忠臣兮，何  
故棄國，自決中塗兮，蒼天舉直，于嗟不可悔兮，寧蚤  
自財，爲王而餓死兮，誰者憐之，呂氏絕理兮，託天報  
仇，丁丑，趙王幽死，以民禮葬之，長安民冢次，己丑，日  
蝕，晝晦，太后惡之，心不樂，乃謂左右曰，此爲我也，三  
月，徙梁王恢爲趙王，呂王產徙爲梁王，梁王不之國，  
爲帝太傅，立皇子平昌侯太爲呂王，更名梁曰呂，呂



曰濟川。太后女弟呂嬃有女爲營陵侯劉澤妻。澤爲大將軍。太后王諸呂。恐卽崩後。劉將軍爲害。廼以劉澤爲琅邪王以慰其心。梁王恢之徙王趙。心懷不樂。太后以呂產女爲趙王后。王后從官皆諸呂。擅權。微伺趙王。趙王不得自恣。王有所愛姬。王后使人酖殺之。王乃爲歌詩四章。令樂人歌之。王悲。六月。卽自殺。太后聞之。以爲王用婦人。棄宗廟禮。廢其嗣。宣平侯張敖卒。以子偃爲魯王。敖賜諡爲魯元王。秋。太后使



邊地惡故願  
守亦因得全

使告代王欲徙王趙代王謝願守代邊天傳產丞相  
平等言武信侯呂祿上侯位次第一請立爲趙王太  
后許之追尊祿父康侯爲趙昭王九月燕靈王建薨  
有笑人子太后使人殺之無後國除八年十月立呂  
肅王子東平侯呂通爲燕王封通弟呂莊爲東平侯  
三月中呂后被還過軹道見物如蒼犬據高后掖忽  
弗復見卜之云趙王如意爲祟高后遂病掖傷高后  
爲外孫魯元王偃年少蚤失父母孤弱廼封張敖前



眞爲婦人奈  
何乎措置得  
全

姬兩子、侈爲新都侯、壽爲樂昌侯、以輔魯元王偃、及  
封中大謁者張釋爲建陵侯、呂榮爲祝茲侯、諸中官  
者、今丞皆爲關內侯、食邑五百戶、七月中、高后病甚、  
廼令趙王呂祿爲上將軍、軍北軍、呂王產居南軍、呂  
太后誡產祿曰、高帝已定天下、與大臣約曰、非劉氏  
王者、天下共擊之、今呂氏王、大臣弗平、我卽崩、帝年  
少、大臣恐爲變、必據兵衛宮、慎毋送喪、母爲人所制、  
辛巳、高后崩、遺詔賜諸侯王各千金、將相列侯郎吏



皆以秩賜金、大赦天下、以呂王產爲相國、以呂祿女爲帝后、高后已葬、以左丞相審食其爲帝太傅、朱虛侯劉章有氣力、東牟侯興居其弟也、皆齊哀王弟、居長安、當是時、諸呂用事、擅權欲爲亂、畏高帝故大臣絳灌等未敢發、朱虛侯婦呂祿女陰知其謀、恐見誅、廼陰令人告其兄齊王、欲令發兵西誅諸呂而立朱虛侯、欲從中與大臣爲應、齊王欲發兵、其相弗聽、八月丙午、齊王欲使人誅相、相召平廼反、舉兵欲圍王、



王因殺其相、遂發兵東、詐奪琅邪王兵、并將之而西、  
語在齊王語中、齊王廼遣諸侯王書曰、高帝平定天  
下、王諸子弟、悼惠王王齊、悼惠王薨、孝惠帝使留侯  
良立臣爲齊王、孝惠崩、高后用事、春秋高、聽諸呂、擅  
廢帝更立、又比殺三趙王、滅梁趙燕、以王諸呂、分齊  
爲四、忠臣進諫、上惑亂弗聽、今高后崩而帝春秋富、  
未能治天下、固恃大臣諸侯、而諸呂又擅自尊官、聚  
兵嚴威、劫列侯忠臣、矯制以今天下、宗廟所以危寡



灌嬰得大臣  
之權是時齊  
賴陰連兵天  
下定強半

人率兵入誅不當爲王者漢聞之相國呂產等廼遣  
賴陰侯灌嬰將兵擊之灌嬰至滎陽廼謀曰諸呂權  
兵關中欲危劉氏而自立今我破齊還報此益呂氏  
之資也廼留屯滎陽使使諭齊王及諸侯與連和以  
待呂氏變其誅之齊王聞之廼還兵西界待約呂祿  
呂產欲發亂關中內憚絳侯朱虛侯等外畏齊楚兵  
又恐灌嬰畔之欲待灌嬰兵與齊合而發猶與未決  
當是時濟川王太淮陽王武常山王朝名爲少帝弟



知祿易與故  
先給祿奪其  
軍

綜得密

及魯元王呂后外孫皆年少未之國居長安趙王祿  
梁王產各將兵居南北軍皆呂氏之人列侯羣臣莫  
自堅其命太尉絳侯勃不得入軍中主兵曲周侯酈  
商老病其子寄與呂祿善絳侯廼與丞相陳平謀使  
人劫酈商今其子寄往給說呂祿曰高帝與呂后共  
定天下劉氏所立九王呂氏立三王皆大臣之議事  
已布告諸侯諸侯皆以爲宜今太后崩帝少而足下  
佩趙王印不急之國守藩廼爲上將將兵留此爲大



誘之利

臣諸侯所疑足下何不歸將印以兵屬太尉請梁王  
歸相國印與大臣盟而之國齊兵必罷大臣得安足  
下高枕而王千里此萬世之利也呂祿信然其計欲  
歸將印以兵屬太尉使人報呂產及諸呂老人或以  
爲便或曰不便計猶豫未有所決呂祿信酈寄時與  
出游獵過其姑呂嬃嬃大怒曰若爲將而棄軍呂氏  
今無處矣廼悉出珠玉寶器散堂下曰毋爲他人守  
也左丞相食其免八月庚申旦平陽侯當行御史大



夫事見相國產計事郎中令賈壽使從齊來因數產  
曰王不蚤之國今雖欲行尚可得邪具以灌嬰與齊  
楚合從欲誅諸呂告產廼趣產急入宮平陽侯頗聞  
其語廼馳告丞相太尉太尉欲入北軍不得入襄平  
侯通尚符節廼令持節矯內太尉北軍太尉復令酈  
寄與典客劉揭先說呂祿曰帝使太尉守北軍欲足  
下之國急歸將印辭去不然禍且起呂祿以爲酈兄  
不欺已遂解印屬典客而以兵授太尉太尉將之入

懼之禍乃聽



產時以相國  
專南軍聞變  
入宮劫天子  
以今事急甚

平陽侯得行御  
史大夫事得聞  
雖害毋入產  
殿門尤善

軍門行令軍中曰爲呂氏右禮爲劉氏左禮軍中皆  
左禮爲劉氏太尉行至將軍呂祿亦已解上將印去  
太尉遂將北軍然尚有南軍平陽侯聞之以呂產謀  
告丞相平丞相平廼召朱虛侯佐太尉太尉令朱虛  
侯監軍門令平陽侯告衛尉毋入相國產殿門呂產  
不知呂祿已去北軍廼入未央宮欲爲亂殿門弗得  
入徘徊往來平陽侯恐弗勝馳語太尉太尉尚恐不  
勝諸呂未敢訟言誅之廼遣朱虛侯謂曰急入宮衛



史記內編 卷二  
絳侯握重在  
外不動朱虛  
侯銳今試難  
善

衛尉尚典司  
兵故先誅

帝朱虛侯請卒太尉予卒千餘人入未央宮門遂見  
產廷中日舖時遂擊產產走天風大起以故其從官  
亂莫敢鬪逐產殺之郎中府吏廁中朱虛侯已殺產  
帝命謁者持節勞朱虛侯朱虛侯欲奪節信謁者不  
肯朱虛侯則從與載因節信馳走斬長樂衛尉呂更  
始還馳入北軍報太尉太尉起拜賀朱虛侯曰所患  
獨呂產今已誅天下定矣遂遣人分部悉捕諸呂男  
女無少長皆斬之辛酉捕斬呂祿而笞殺呂頹使人



先遣朱虛如  
齊乃定所立

毋輕漢相諸大  
臣漢相諸大臣  
皆天產輔高祖  
定天下皆謀慮

誅燕王呂通而廢魯王偃王戊以帝太傅食其復爲  
左丞相戊辰徙濟川王王梁立趙幽王子遂爲趙王  
遣朱虛侯章以誅諸呂氏事告齊王令罷兵灌嬰兵  
亦罷滎陽而歸諸大臣相與陰謀曰少帝及梁淮陽  
常山王皆非真孝惠子也呂后以計詐名他人子殺  
其母養後宮今孝惠子之立以爲後及諸王以彊呂  
氏今皆已夷滅諸呂而置所立卽長用事吾屬無類  
謀亦甚忠矣不如視諸王最賢者立之或言齊悼惠王高帝長



深長後世未易

及

是時齊發大

難端朱虛誅

諸呂功高興

居又居中乃

能置齊立代

如山岳不動

真大臣謀國

忠智之法

史記評林

卷二

時楚齊甚布  
居外獨大臣

子今其適子爲齊王推本言之高帝適長孫可立也  
大臣皆曰呂氏以外家惡而幾危宗廟亂功臣今齊  
王母家駙鉤駙鉤惡人也卽立齊王則復爲呂氏欲  
立淮南王以爲少母家又惡廼曰代王方今高帝見  
子最長仁孝寬厚太后家薄氏謹良且立長故順以  
仁孝聞於天下便廼相與共陰使人召代王代王使  
人辭謝再反然後乘六乘傳後九月晦日巳酉至長  
安舍代邸大臣皆往謁奉天子璽上代王其尊立爲



陰計迎王來  
且讓固禮也  
或曰詐殆不  
其然

天子代王數讓羣臣固請然後聽東牟侯興居曰誅  
呂氏吾無功請得除宮廼與太僕汝陰侯滕公入宮  
前謂少帝曰足下非劉氏不當立乃顧麾左右執戟  
者持兵罷去有數人不肯去兵宦者令張澤諭告亦  
去兵滕公廼召乘輿車載少帝出少帝曰欲將我安  
之乎滕公曰出就舍舍少府廼奉天子法駕迎代王  
於邸報曰宮謹除代王卽夕入未央宮有謁者十人  
持戟衛端門曰天子在也足下何爲者而入代王廼



謂太尉、太尉往諭謁者十人，皆倍兵而去。代王遂入而聽政。夜有司分部誅滅梁、淮陽、常山王及少帝於邸。代王立爲天子二十三年，崩，諡爲孝文皇帝。

太史公曰：孝惠皇帝、高后之時，黎民得離戰國之苦，君臣俱欲休息乎無爲，故惠帝垂拱，高后女主稱制，政不出房戶，天下晏然，刑罰罕用，罪人是希，民務稼穡，衣食滋殖。

二者王政大端

本紀稱呂太后紀實以示變贊先孝惠明君統母



可從子也紀極劉呂之變已詳贊更不論斷獨陳  
天下宴然休息明上天立君生民之意此豈後史  
可及



易言內經

卷二



孝文本紀

孝文皇帝，高祖中子也。高祖十一年春，已破陳豨軍，定代地，立爲代王。都中都，太后薄氏子，卽位十七年。高后八年七月，高后崩。九月，諸呂呂產等欲爲亂，以危劉氏。大臣共誅之。謀召立代王，事在呂后語中。丞相陳平、太尉周勃等使人迎代王。代王問左右郎中令張武等。張武等議曰：「漢大臣皆故高帝時大將，習兵多謀詐，此其屬意非止此也。特畏高帝呂太后威，不斥言微辭隱約」



亦似是似持  
重然實不得  
事情

耳。今已誅諸呂、新嘵血京師、此以迎大王爲名、實不  
可信。願大王稱疾毋往、以觀其變。中尉宋昌進曰、羣  
臣之議皆非也。夫秦失其政、諸侯豪傑並起、人各自  
以爲得之者、以萬數。然卒踐天子之位者、劉氏也。天  
下絕望一矣。高帝封王子弟、地犬牙相制、此所謂磐  
石之宗也。天下服其疆、二矣。漢興、除秦苛政、約法令、  
施德惠、人人自安、難動搖、三矣。夫以呂太后之嚴、立  
諸呂爲三王、擅權專制、然而太尉以一節入北軍、一



代王立政以  
長又賢又齊  
王叔父淮南  
兄萬派飛流  
如注一壑

呼士皆左袒爲劉氏叛諸呂卒以滅之此乃天授非  
人力也今大臣雖欲爲變百姓弗爲使其黨寧能專  
一邪方今內有朱虛東牟之親外畏吳楚淮南琅邪  
齊代之彊方今高帝子獨淮南王與大王天王又長  
賢聖仁孝聞於天下故大臣因天下之心而欲迎立  
大王大王勿疑也代王報太后計之猶與未定卜之  
龜卦兆得大橫占曰大橫庚庚余爲天王夏啓以光  
代王曰寡人固已爲王矣又何王卜人曰所謂天王



輕重就道不  
汲汲儀衛多  
何益

昌應幾明決  
漢臣無此比

中節

者乃天子於是代王乃遣太后弟薄昭往見絳侯絳  
侯等吳為昭言所以迎立王意薄昭還報曰信矣母  
可疑者代王乃笑謂宋昌曰果如公言乃命宋昌參  
乘張武等六人乘傳詣長安至高陵休止而使宋昌  
先馳之長安觀變昌至渭橋丞相以下皆迎宋昌還  
報代王馳至渭橋羣臣拜謁信無變臣代王下車拜太尉  
勃進曰願請間言宋昌曰所言公公言之所言私王  
者不受私太尉乃跪上天子璽符代王謝曰至代邸

草草甚

未君故也

得體

親之也



得勝真周折

而議之。遂馳入代邸。羣臣從至丞相陳平。太尉周勃。  
大將軍陳武。御史大夫張蒼。宗正劉郢。朱虛侯劉章。  
東牟侯劉興居。典客劉揭。皆再拜。言曰。子弘等皆非  
孝惠帝子。不當奉宗廟。臣謹請與陰安侯。列侯。頃王  
后。與琅邪王。宗室大臣。列侯吏二千石議曰。大王高  
帝長子。宜爲高帝嗣。願大王卽天子位。代王曰。奉高  
帝宗廟。重事也。寡人不佞。不足以稱宗廟。願請楚王  
計宜者。寡人不敢當。羣臣皆伏。固請。代王西鄉讓者。

且一協心推戴意



渥机牙益宿  
衛至重

三南鄉讓者再、丞相平等皆曰、臣伏計之、大王奉高  
帝宗廟、最宜、彌雖天下諸侯萬民、以爲宜、臣等爲宗  
廟社稷計、不敢忽、願大王幸聽臣等、臣謹奉天子璽  
符、再拜上、代王曰、宗室將相王、列侯以爲莫宜寡人、  
寡人不敢辭、遂卽天子位、羣臣以禮次侍、乃使太僕  
嬰與東牟侯興居、清宮奉天子法駕、迎于代邸、皇帝  
卽日夕入未央宮、乃夜拜宋昌爲衛將軍、鎮撫南北、  
軍以張武爲郎中令、行殿中、還坐前殿、於是夜下詔



書曰、間者諸呂用事、擅權、謀爲大逆、欲以危劉氏宗廟、賴將相、列侯、宗室、大臣、誅之、皆伏其辜、朕初卽位、其赦天下、賜民爵一級、女子百戶牛酒、酺五日、索隱曰、按

封禪書云、百戶牛一頭、酒十石、樂、彥云、婦人無夫、或無子、不霑爵、故賜之、文穎曰、漢律、三人已上、無故群飲、罰金四兩、今詔橫賜、得令會聚飲食五日、說文云、酺、王者布德、大飲酒也、出錢爲酺、出食爲酺、

孝文皇帝元年、十月庚戌、徙立故琅邪王澤爲燕王、辛亥、皇帝卽阼、謁高廟、右丞相平徙爲左丞相、太尉勃爲右丞相、大將軍灌嬰爲太尉、諸呂所奪齊楚故



地皆復與之。王子遣車騎將軍薄昭迎皇太后于代。皇帝曰：呂產自置爲相國，呂祿爲上將軍，擅矯遣灌將軍嬰將兵擊齊，欲代劉氏，嬰留滎陽，弗擊，與諸侯合謀以誅呂氏。呂產欲爲不善，丞相陳平與太尉周勃謀，奪呂產等軍。朱虛侯劉章首先捕呂產等，太尉身率襄平侯通持節承詔入，壯軍典客劉揭身奪趙王呂祿印，益封太尉勃萬戶，賜金五千斤，丞相陳平、灌將軍嬰邑各三千戶，金二千斤，朱虛侯劉章、襄平



真西山云史

稱上曰皆帝

自爲之其收

除拏及肉刑

求直言除誹

謗祠官勸農

等詔皆爾雅

溫厚有典誥

氣象可爲代

主言之法

侯通、東牟侯劉興居、邑各二千戶、金千斤、封典客、揭  
爲陽信侯、賜金千斤、十二月上曰、法者、治之正也、所  
以禁暴而率善人也、今犯法已論、而使毋罪之父母  
妻子同產坐之、及爲收拏、朕甚不取其議之、有司皆  
曰、民不能自治、故爲法以禁之、相坐坐收、所以累其  
心、使重犯法、所從來遠矣、如故、便、上曰、朕聞法正則  
民慤、罪當則民從、且夫牧民而導之善者、吏也、其旣  
不能導、又以不正之法罪之、是反害於民爲暴者也、



文勢急中緩  
緩中急悠揚  
委伏溫雅可  
掬

何以禁之、朕未見其便、其孰計之、有司皆曰、陛下加大惠、德甚盛、非臣等所及也、請奉詔書、除收拏諸相坐律令、正月、有司言曰、蚤建太子、所以尊宗廟、請立太子、上曰、朕既不德、上帝神明未歆享、天下人民未有噍志、今縱不能博求天下賢聖有德之人而禪天下焉、而曰豫建太子、是重吾不德也、謂天下何其安之、有司曰、豫建太子、所以重宗廟社稷、不怠天下也、上曰、楚王、季父也、春秋高、閱天下之義理多矣、明於



議雖不必行  
然唐虞來獨  
見此議亦猶  
天下爲公之  
道

國家之大體。吳王於朕兄也。惠仁以好德。淮南王弟也。秉德以陪朕。豈爲不豫哉。諸侯王宗室昆弟有功臣多賢。及有德義者。若舉有德以陪朕之不能終。是社稷之靈。天下之福也。今不選舉焉。而曰必子人其以朕爲忘賢有德者而專於子。非所以憂天下也。朕甚不取也。有司皆固請曰。古者殷周有國治安。皆千餘歲。古之有天下者。莫不長焉。用此道也。立嗣必子。所從來遠矣。高帝親率士大夫。始平天下。建諸侯爲



因子及子因親  
及親此因心加  
彼之道

婦受命於姑又  
家事故主太后

帝者太祖諸侯王及列侯始受國者皆亦爲其國祖  
子孫繼嗣世世弗絕天下之大義也故高帝設之以  
撫海內今釋宜建而更選於諸侯及宗室非高帝之  
志也更議不宜子某最長純厚慈仁請建以爲太子  
上乃許之因賜天下民當代父後者爵各一級封將  
軍薄昭爲軹侯三月有司請立皇后薄太后曰諸侯  
皆同姓立太子母爲皇后皇后姓竇氏上爲立后故  
賜天下鰥寡孤獨窮困及年八十已上孤兒九歲已



下布帛米肉各有數上從代來初卽位施德惠天下  
鎮撫諸侯四夷皆洽驩乃脩從代來功臣上曰方大  
臣之誅諸呂迎朕朕狐疑皆止朕唯中尉宋昌勸朕  
朕以得保奉宗廟已尊昌爲衛將軍其封昌爲壯武  
侯諸從朕六人官皆至九卿上曰列侯從高帝入蜀  
漢中者六十八人皆益封各三百戶故吏二千石以  
上從高帝賴川守尊等十人食邑六百戶淮陽守申  
屠嘉等十人五百戶衛尉定等十人四百戶封淮南

因脩從高帝之功



推薄昭恩

上諸推恩博

而徧普汎而

不私賞不遺

功不昵近不

遺遠君德哉

古封建遺意

王舅父趙兼爲周陽侯、齊王舅父駟鈞爲清郭侯、秋  
封故常山丞相蔡兼爲樊侯、人或說右丞相曰、君本  
誅諸呂、迎代王、今又矜其功、受上賞、處尊位、禍且及  
身、右丞相勃乃謝病免、罷左丞相平、專爲丞相、  
二年十月、丞相平卒、復以絳侯勃爲丞相、上曰、朕聞  
古者諸侯建國千餘歲、各守其地、以時入貢、民不勞  
苦、上下驩欣、靡有遺德、今列侯多居長安、邑遠、吏卒  
給輸費苦、而列侯亦無由教訓其民、其令列侯之國、



為吏及詔所止者遣太子十一月晦日有蝕之十二月望日又食上曰朕聞之天生蒸民為之置君以養治之人主不德布政不均則天示之以菑以誠不治乃十一月晦日有蝕之適見于天菑孰大焉朕獲保宗廟以微眇之身託于兆民君王之上天下治亂在朕一人唯二三執政猶吾股肱也朕下不能理育羣生上以累三光之明其不德大矣今至其悉思朕之過失及知見思之所不及白以告朕及舉賢良方正



欲立皇子先  
推恩諸侯王  
示不私

能直言極諫者以匡朕之不逮因各飭其任職務省  
繇費以便民朕既不能遠德故憫然念外人之有非  
是以設備未息今縱不能罷邊屯戍而又飭兵厚衛  
其罷衛將軍軍太僕見馬遺財足餘皆以給置傳正  
月上曰農天下之本其開籍田朕親率耕以給宗廟  
粢盛三月有司請立皇子爲諸侯王上曰趙幽王幽  
死朕甚憐之已立其長子遂爲趙王遂弟辟彊及齊  
悼惠王子朱虛侯章東牟侯興居有功可王乃立趙



幽王少子辟彊爲河間王、以齊劇郡、立朱虛侯爲城陽王、立東牟侯爲濟北王、皇子武爲代王、子參爲太原王、子揖爲梁王、王曰、古之治天下、朝有進善之旌、誹謗之木、所以通治道而來諫者、今法有誹謗妖言之罪、是使衆臣不敢盡情而上、無由聞過失也將何以來遠方之賢良、其除之、民或祝詛上以相約結、而後相謾、吏以爲大逆、其有他言、而吏又以爲誹謗、此細民之愚、無知抵死、朕甚不取、自今以來、有犯此者



郡守國相國相

蓋諸侯王相今

御史而下亦稱

公符殊謬

卒以日食策

免而詔書敦

厚如此可法

可法

勿聽治九月初與郡國守相為銅虎符竹使符

三年十月丁酉晦日有蝕之十一月上日前日詔遣

列侯之國或辭未行丞相朕之所重其為朕率列侯

之國絳侯勃免丞相就國以太尉潁陰侯嬰為丞相

罷太尉官屬丞相四月城陽王章薨淮南王長與從

者魏敬殺辟陽侯審食其五月匈奴入北地居河南

為寇帝初幸甘泉六月帝曰漢與匈奴約為昆弟毋

使害邊境所以輸遺匈奴甚厚今右賢王離其國將



衆居河南降地、非常故、往來近塞、捕殺吏卒、驅保塞蠻夷、今不得居其故陵、轢邊吏、入盜甚、敖無道、非約也、其發邊吏騎八萬五千詣高奴、遣丞相潁陰侯灌嬰擊匈奴、匈奴去、發中尉材官屬衛將軍、軍長安、辛卯、帝自甘泉之高奴、因幸太原、見故羣臣、皆賜之舉功行賞、諸民里賜牛酒、復晉陽中都民三歲、畱游太原十餘日、濟北王興居聞帝之代、欲往擊胡、乃反、發兵欲襲滎陽、於是詔罷丞相兵、遣棘蒲侯陳武爲大



將軍將十萬往擊之、祁侯賀爲將軍、軍滎陽、七月辛  
亥、帝自太原至長安、廼詔有司曰、濟北王背德反上、  
註誤吏民爲大逆、濟北吏民兵未至、先自定、及以軍  
地邑降者、皆赦之、復官爵、與王興居去來、亦赦之、八  
月破濟北軍、虜其王、赦濟北諸吏民與王反者、

六年、有司言淮南王長廢先帝法、不聽天子詔、居處  
毋度、出入擬於天子、擅爲法令、與棘蒲侯太子奇謀  
反、遣人使閩越及匈奴、發其兵、欲以危宗廟社稷、羣



顯寂寥以自  
有傳故

臣議皆曰長當弃市帝不忍致法於王赦其罪廢勿  
王羣臣請處王蜀嚴道邛都帝許之長未到處所行  
病死上憐之後十六年追尊淮南王長諡爲厲王立  
其子三人爲淮南王衡山王廬江王

十三年夏上曰蓋聞天道禍自怨起而福繇德興百  
官之非宜由朕躬今祕祝之官移過于下以彰吾之  
不德朕甚不取其除之五月齊太倉令淳于公有罪  
當刑詔獄逮徙繫長安太倉公無男有女五人太倉



公將行會逮罵其女曰生子不生男有緩急非有益也其少女緹縈自傷泣乃隨其父至長安上書曰妾父爲吏齊中皆稱其廉平今坐法當刑妾傷夫死者不可復生刑者不可復屬雖復欲改過自新其道無由也妾願沒入爲官婢贖父刑罪使得自新書奏天子天子憐悲其意乃下詔曰蓋聞有虞氏之時畫衣冠異章服以爲侈而民不犯何則至治也今法有肉刑三而姦不止其咎安在非乃朕德薄而教不明歟



隱然百姓有  
過在予一人  
之意

吾甚自愧。故夫馴道不純而愚民陷焉。詩曰：愷悌君子，民之父母。今人有過，教未施而刑加焉。或欲改行爲善而道毋由也。朕甚憐之。夫刑至斷支體，刻肌膚，終身不息，何其楚痛而不德也。豈稱爲民父母之意哉。其除肉刑。上曰：農，天下之本，務莫大焉。今勤身從事，而有租稅之賦，是爲本末者毋以異。其於勸農之道未備。其除田之租稅。

十四年冬，匈奴謀入邊爲寇，攻朝那塞，殺北地都尉。



印上乃遣三將軍軍隴西北地上郡中尉周舍爲衛將軍郎中令張武爲車騎將軍軍渭北車千乘騎卒十萬帝親自勞軍勒兵申教令賜軍吏卒帝欲自將擊匈奴羣臣諫皆不聽皇太后固要帝帝乃止於是  
以東陽侯張相如爲大將軍成侯赤爲內史樂布爲將軍擊匈奴匈奴遁走春上曰朕獲執犧牲珪幣以懔懔懔懔事上帝宗廟十四年于今歷日縣長以不敏不明而懔懔懔懔久撫臨天下朕甚自愧其廣增諸祀燔場珪幣昔先



王遠施不求其報望祀不祈其福右贊左戚

韋昭曰右猶高

左猶下也先民後已至明之極也今吾聞祠官祝釐皆歸

福朕躬不為百姓朕甚愧之夫以朕不德而躬享獨

美其福百姓不與焉是重吾不德其令祠官致敬毋

有所祈是時北平侯張蒼為丞相方明律歷魯人公

孫臣上書陳終始傳五德事言方今土德時土德應

黃龍見當改正朔服色制度天子下其事與丞相議

丞相推以為今水德始明正十月上黑事以為其言

秦恒陰也戰國肅殺至是



而極蓋水德  
之極者以秦  
爲水德之始  
今始明故謬

非是請罷之

十五年黃龍見成紀天子乃復召魯公孫臣以爲博  
士申明土德事於是上乃下詔曰有異物之神見于  
成紀無害於民歲以有年朕親郊祀上帝諸神禮官  
議毋諱以勞朕有司禮官皆曰古者天子夏躬親禮  
祀上帝於郊故曰郊於是天子始幸雍郊見五帝以  
孟夏四月答禮焉趙人新垣平以望氣見因說上設  
立渭陽五廟欲出周鼎當有玉英見



天覆地載之  
仁

十六年上親郊見渭陽五帝廟亦以夏答禮而尚赤  
十七年得玉杯刻曰人主延壽於是天子始更爲元  
年今天下大酺其歲新垣平事覺夷三族後二年上  
曰朕旣不明不能遠德是以使方外之國或不寧息  
夫四荒之外不安其生封畿之內勤勞不處二者之  
咎皆自於朕之德薄而不能遠達也間者累年匈奴  
竝暴邊境多殺吏民邊臣兵吏又不能諭吾內志以  
重吾不德也夫久結難連兵中外之國將何以自寧



今朕夙興夜寐、勤勞天下、憂苦萬民、爲之怛惕不安、未嘗一日忘於心、故遣使者、冠蓋相望、結軼於道、以諭朕意於單于、今單于反古之道、計社稷之安、便萬民之利、親與朕俱、棄細過、偕之大道、結兄弟之義、以全天下元元之民、和親已定、始于今年、後六年冬、匈奴三萬人入上郡、三萬人入雲中、以中大夫令勉爲車騎將軍、軍飛狐、故楚相蘇意爲將軍、軍句注、將軍張武屯北地、河內守周亞夫爲將軍、居細柳、宗正劉



儉

禮爲將軍居霸上祝茲候軍棘門以備胡數月胡人去亦罷天下旱蝗帝加惠令諸侯母入貢弛山澤減諸服御狗馬損郎吏員發倉庾以振貧民民得賣爵孝文帝從代來卽位二十三年宮室苑囿狗馬服御無所增益有不便輒弛以利民嘗欲作露臺召匠計之直百金上曰百金中民十家之產吾奉先帝宮室常恐羞之何以臺爲上常衣綈衣所幸慎夫人今衣不得曳地幃帳不得文繡以示敦朴爲天下先治霸



仁

陵皆以瓦器、不得以金銀銅錫爲飾、不治墳、欲爲省、  
母煩民、南越王尉佗自立爲武帝、然上召貴尉佗兄、  
弟以德報之、佗遂去帝、稱臣、與匈奴和親、匈奴背約、  
入盜然、今邊備守、不發兵、深入惡煩、苦百姓、吳王詐、  
病不朝、就賜几杖、羣臣如袁盎等稱說、雖切、常假借、  
用之、羣臣如張武等、受賂遺金錢、覺上乃發御府金、  
錢賜之、以愧其心、弗下吏、專務以德化民、是以海內、  
殷富、興於禮義、後七年六月己亥、帝崩於未央宮、遺



讀遺詔文皇  
帝省德為民  
仁敬之念耿  
耿終始迄弥  
留弗懈三代  
而下疇知此  
義者真王德  
之遺

詔曰、朕聞蓋天下萬物之萌生靡不有死死○者天地  
之理物之自然者奚可甚哀當今之時世咸嘉生而  
惡死厚葬以破業重服以傷生吾甚不取且朕既不  
德無以佐百姓今崩又使重服久臨以離寒暑之數  
哀人之父子傷長幼之志損其飲食絕鬼神之祭祀  
以重吾不德也謂天下何朕獲保宗廟以眇眇之身  
託于天下君王之上二十有餘年矣賴天地之靈社  
稷之福方內安寧靡有兵革朕既不敏常畏過行以



盥先帝之遺德、維年之久、長懼于不終、今乃幸以天  
年得復、僕養于高廟、朕之不明、與嘉之其奚哀悲之  
有、其令天下吏民、今到出臨三日、皆釋服、母禁取婦  
嫁、女祠祀飲酒食肉者、自當給喪事、服臨者、皆無踐  
服、皮曰踐、翦也、謂無斬衰也、孟康曰、  
踐、跣也、晉灼曰、漢語作跣、跣、徙跣也、絰帶無過三寸、  
母布車及兵器、母發人男女哭臨宮殿、宮殿中當臨  
者、皆以旦夕各十五舉聲、禮畢罷、非旦夕臨時、禁母  
得擅哭、已下服大紅十五日、小紅十四日、纖七日、釋



服索隱曰巳下謂極巳下於境劉德云紅功也男功非一故以工力爲字而女工唯在於絲故以絲工爲字三十六日、以日易月、佗不在令中者、皆以此今、比率從事、布告天下、使明知朕意、霸陵山川、因其故、毋有所改、歸夫人以下至少使、令中尉亞夫爲車騎將軍、屬國悍爲將屯將軍、郎中令武爲復土將軍、發近縣見卒萬六千人、發內史卒萬五千人、藏郭穿、復土、屬將軍武、乙巳、羣臣皆頓首上尊號曰孝文皇帝、太子卽位于高廟、丁未、襲號曰皇帝、



孝景皇帝元年十月，制詔御史，蓋聞古者祖有功而宗有德，制禮樂各有由，聞歌者所以發德也，舞者所以明功也。高廟酎，奏武德，文始五行之舞。孝惠廟酎，奏文始五行之舞。孝文皇帝臨天下，通關梁，不異遠方，除誹謗，去肉刑，賞賜長老，收恤孤獨，以育羣生，減嗜欲，不受獻，不私其利也。罪人不孥，不誅無罪，除肉刑，出美人，重絕人之世。朕既不敏，不能識，此皆上古之所不及，而孝文皇帝親行之，德厚侔天地，利澤施



四海靡不獲福焉。明象乎日月，而廟樂不稱。朕甚懼焉。其爲孝文皇帝廟，爲昭德之舞，以明休德。然後祖宗之功德著於竹帛，施於萬世，永永無窮。朕甚嘉之。其與丞相列侯中二千石、禮官、臬爲禮儀奏。丞相臣嘉等言：陛下永思孝道，立昭德之舞，以明孝文皇帝之盛德。皆臣嘉等愚所不及。臣謹議曰：功莫大於高皇帝，德莫盛於孝文皇帝。高皇廟宜爲帝者，太祖之廟。孝文皇帝廟宜爲帝者，太宗之廟。天子宜世世獻



祖宗之廟郡國諸侯宜各爲孝文皇帝立太宗之廟  
諸侯王列侯使者侍祠天子歲獻祖宗之廟請著之  
竹帛宣布天下制曰可

太史公曰孔子言必世然後仁善人之治國百年亦  
可以勝殘去殺誠哉是言漢興至孝文四十有餘載

仁善

德至盛也廩廩鄉改正服封禪矣謙讓未成於今嗚

呼豈不仁哉

進於善



孝景本紀贊

太史公曰漢興孝文施大德天下懷安至孝景不復  
憂異姓而晁錯刻削諸侯遂使七國俱起合從而西  
鄉以諸侯大盛而錯爲之不以漸也及主父偃言之  
而諸侯以弱卒以安安危之機豈不以謀哉

謀失

謀得

史原無武紀武帝事散具八書中今武紀牽封禪  
書補謬甚











